

MIZORAM CHHUNGA PASSENGER PHUR MOTOR TEN AN ZAWM TUR STANDARD OPERATING PROCEDURE

Covid-19 hrileng avangin ram chung ah harsatna kan tawk mek a. Central Sorkar atangin Lockdown chungin Commercial Passenger Vehicle a chuan dan tur a ruahman a, chu chu tun ah hian a theih ang ang in zawm mek a ni a. Central leh State Sorkar in Lockdown hi a pawtsei leh dawnin a lang a. Lirthei neitute leh vah velna atan te mipui harsatnate sutkian a nih theih nan, a hnuai a mi ang hian ruahmanna siam a ni

1. TWO-WHEELER TAXI

(a) Two wheeler Taxi khalhtuten an passenger-te an chhuk veleh midang an chuan leh hmain, uluk takin an lirtheite nen an sanitize ziah tur a ni.

(b) Two wheeler Taxi khalhtu leh Passengerten an chuan lain, Mask an vuah ngei ngei tur a ni.

2.TAXI

(a) Taxi-ah hian reg.certificate-a tarlan, seating capacity aia tam chuan phal a ni lo.

(b) Driver leh Passenger ten Mask an vuah ngei tur a ni.

(c) Sanitizer hman tur Taxi chungaha awm ngei tur a ni.

(d) Driver-in a zing thei ang berin motor chung leh vawnbante uluk takin a sanitize thin tur a ni.

3. MAXI CAB

(a) Maxi cab tih hian state chung leh pawn lama service-te a huam vek a ni.

(b) Reg. certificate-a tarlan, seating capacity bak passenger phurh phal a ni lo.

(c) Driver leh Passenger-ten zin kawngah Mask an vuah ngei tur a ni.

(d) Driver-in a zing thei ang berin motor chung leh vawnbante uluk takin a sanitize thin tur a ni.

(e) Sanitizer hman tur motor ah a awm ngei tur a ni.

4. CITY BUS/Town Bus/Institution Bus /School Bus/Bazar Bus/Line Bus

(a) Reg. certificate-a tarlan, seating capacity bak passenger phurh phal a ni lo.

(b) Driver /Conductor-te leh Bus-a chuang ten Mask an vuah ngei tur a ni.

(c) Sanitizer hman tur Bus-ah a awm ngei tur ani.

(d) City Bus ten turning point an thlen hunah Bus chung leh vawn bante Sanitizer hmangin uluk takin an tifi thin tur a ni. Mask vuah leh motor sanitized chungchangah motor enkawltuten mawh an phur ang.

Heng a chung a ruahmanna siam hi theih tawpa kan zawm tlan chuan Covid-19 hrileng leh darh zau zel tur lakah Zoram mipuite kan him thei dawn a ni. Chuvangin passenger phur chi lirthei enkawtuten thelhtawp chhuaha zawm tur leh a tul anga, passenger-te zirtir turin kan ingen bawk a ni.